

اداره مرکزی :
آذربایجان ، استانبول جاده سنده آفره
معارف امینلکی پانده کی دانه

استانبول بورسی :
استانبولده ، باب عالی جاده سنده ۸۷ نومبرده
داره مخصوصه

حیات

میانہ دائمیہ... دنیاہ راہا میرہ مہات قانالم...

نومبر ۱۰ غرورده .
سنه لکی پوسته ایله ۵ لیرا .
(اجنبی مملکتلر ایچین ۵ دولار)

ایوه واعلان ایشلری ایچین استانبول بورسه
مراجعت ایدیلیر .
یازی ایشلرینک مرجعی آفره مرکزدر .

صافی : ۲۷

آفره ، ۲ حزیران ، ۱۹۲۷

۲ نجی جلد



ایده آنزلک نرله سی

دارالفنون

تورکار حقنده خبرخواه اولان بعضی اجنبی
مخبرلر تورکیه نلک قطع ایندیکی یولی حقیه
تقدیر ایده مه یورلر و بونلر انقلابک ، اسکی
مؤسسه لری ، بردها عودت ایتمه سی احتمالی
اولیه جق صورتده بیقدیغنی سویلدیککز زمان
بعضاً بونی شبه ایله قارشیلایورلر . بونک سبی
تورکیه نلک اجتماعی وضعیتی بیلمه ملری ، تورک
خلقنلک سجیه سنی طانیاملریدر .

انقلابدن اول موجود اولان مؤسسه لر
ذاتاً تورک خلقنلک روحنده قوتلی بر سلطه
تأسیس ایده مه مشدی . بو مؤسسه لر قوتی منورلرک
وهمندن آلیورلردی . بویوک بردها ایله ،
بو وهم پرده سنه ضربه اینجه او مؤسسه لرده
بیقلیوریدی . تورکیه نلک اجتماعی وضعیتی تدقیق
ایده بیلنلر بو مؤسسه لرک آرتیق دیریله سنه
هیچ بر امکان اولمادیغنی درحال اکلارلر .
بوکون بونلرک استنادکاهی اولاجق هیچ بر
معنوی قوت قالمامشدر . آنجق تورکیه نلک استقبالی
اعتباریه ملاحظه اولوناجق الکه مهم تهلکه یکی یتیشن
کنجیلرک بویوک مفکوره لر قارشیسندنه قیدسزلکی
بونلرک کندیلمیخی بر نوع (قابا مادیجیلک

(Matérialisme grossier) قایدیرمالری تشکیل
ایله جکدر . بوکونکی نسلک عمری مفکوره
ایچون جدال ایله ، پادشاه استبدادی بیقمق ،
حیات قدرتلری کیرهن مؤسسه لری قالدیرمق ،
مستقل بر وطن یاراتمق مجادله سی ایله ... کچمشدر ،
قیصه بر زمانده مختلف تحوللرک ، انقلابلرک ،
خارجی تجاوزلرک هیجانی ایچنده یاشادیغمز
ایچون روحزده دائماً ایده آلر حاکم اولمشدر .
حالبوکه یارینکی نسل عینی حیاتی سورمه جکدر .
مستقل وطنه توارث ایله یین بوکونکی چوققلریغز
اوزون سورمه جک صلح آنلرنده بزم یاشادیغمز
هیجانی دورلر ، قوتلی مشترک المار ، وطنک قورتولوشی
کورمکدن متولد هیجانی دقیقلر کچرمیه .
جکدر . بوکونکی نسلک روحنی مفکوره جی
یاپان اجتماعی سبیلر یارین ایچون عیناً موجود
دکدر . بو وضعیت قارشیسندنه قولایلقه
قابا بر مادیجیلکه کندیلمیخی قایدیرا بیلیرلر .
یاشامنی یالکز فردیتلری ایچون ذوقدن عبارت
کورمه بیلیر ، کندی فعالیتلری ملی جمعیتک
اشتیاقنه ربط ایتیه بیلیرلر ، حیاتی یا بلوفدن ،
برهیچدن عبارت عد ایده رک فنا بر بدینلکه ،
یاخود قیصه بر زمان ظرفنده یالکز مادی ذوق
طوپلامق تلقی ایله رک کوتو بر فرد تجیلکه دوشه .
بیلیرلر . ایشته اوزمان اجتماعی رابطه کوشهر ، بویولده
بر یاشایش ، حیاتدن ممنون اولمایان بر سورو انسان
یاراتیر . بویله بر جمعیتده نه علم و صنعت ، نه ده
شدتلی حیات قدرتی ایجاب ایدن فعالیتلر موجود
اولایبیلیر .

بو تهلکه وهم دکدر ، یکی یتیشن نسللرله
دائمی تماسده بولونانلرک ، کنج روحلرده کی
ایده آل احتیاجنی سزمه ملری قابل دکدر . ایشته

بوکونکی منورلر ترتب ایله یین وظیفه بورو حیلرک
احتیاجنی تأمین ایتک ، تورک جمعیتک اشتیاقنی
بوندن صوکر اکنلرله آشیلامقدر .

بوخصوصده انکه مهم وظیفه دارالفنون ترتب
ایدهر . دارالفنون ادبیات فا کولته سی معین
معلوماتی کنجیلرله اوکره تن بر مؤسسه اولارق
قالاماز . بو فا کولته مملکتده حقیقی معنوی بر
ولایت تأسیس ایده بیلیملیر . بونک ایچون بر
کره بو فا کولته تورکیه محوری اطرافنده دونملی ،
صوکر اده تدریساته بر پارچه ده احرارت کیرمیلیر .
ادبیات فا کولته سنک دنیا علمنه خدمتی آنجق
تورکیه یی مرکز یاپدینی زمان ممکن اولاجقدر .
اوکرده بر مملکت وارکه هنوز هر طرفک جغرافیایی
یایلمامشدر ، بر مملکت وارکه تاریخی حقیه
یازیلماش ، تنظیم تدری کچیردیکمز مختلف
تحوللرک ، انقلابلرک اجتماعی سبیلر علمی بر
اصولله آراشدیر یلمامشدر . تورکیه یه تعلق ایده ن
حادثلر اوزرنده دوشون مدرس تورک جمعیتی
و محیطی تشکیل ایله یین شأیتلری تثبیت ایده ر ،
انقلابک اسبابی و هدفی کوستهره ن بو اثرلر
صنعتکار اولق استعدادنی طاشیپانلر ، فلسفی
تریبه کورمش اولانلر ایچون بر الهام منبعی
اولورلر . او وقت فلسفه و صنعت اثرلری ده
وجوده کله بیلیر . کنجیلرله تماس ایده جک
هر مرئی دارالفنون مساعیسنک بو محصوللرندن
استفاده ایده ر ، کنج روحلر بو بیلکیلرله
بسله نیر .

علمی تدقیقلرک حبیبیلکی بعضاً بزده یا کلش
آ کلاشیلیمقده در . واقعا مثبت علم هر نوع سلطه
خارجنده بر تدقیقدر . عالم کندندن اولکیلرک
ولایتنه ویا شو و بو عقیده صاپلاناماز . بو اعتبارله
حردر ، یاقین وکندنجه معین بر فائده ایچون

اجتماعيات

انتخار واجتماعيات

۲

انتخار حقنده ک مقاله لرمک آراسنی بر آراوزانديغ
ايچون «حيات» قارلرينك عفوني رجا ايده جكم .
ايك مقاله واستانبول دارالقنوتنده ويرديكم قونفهره .
نس ، دوكتور فخرالدين كريم بلك مقاله سيله بوجمعه
ستونلرينده عكس ايدين كوجوك بر مناقشه قلميه به
سبب اولدى . بناء عليه انتخار حقنده اجتماعيات لرمك
مدعاسنى عرض ايله برلكده ، سرد اولنان تنقيد لرده ده
جواب ويره يله جكم . ذاتاً بو كوجوك مناقشه بنى
محظوظ ايندى . بويه مناظره لر جوق نافعدر . انتخار
معضل بر حادثه در وعلمك بر قاچ شعبه سنى علاقه دار
ايدر . بو مسئله ده هر شعبه به اصابت ايدين حصه بنى
ييلكم ، حائر اهميتدر .

مقاله مدن وقونفهره رانسمدن بحث ايدين طيديلر ، بكا
اويله كليوركه ، مسئله بنى حقيقى ساحه سته ارجاع
ايمه ديلىر . بنم «انتخار» اجتماعى بر حادثه در «دعاه مدن»
روحيات ايله پسيخيازينك بومشله ده هيچ بر صلاحيتى
اولاديغنى ادعا اينديكم معناسنى جيقارديلىر . بويه بر
شى اصلا عقلمدن كچه مشدر . بن ديدم و تكرار
ايدورم كه انتخار ك اجتماعى حدى (Taux social)

يعنى تكرروندرتى ، ترايدوتناقصلىر آنجق اجتماعيات
ايله قابل ايضاحدر . طيديلر سرد ايندكلىر تنقيد لرده ،
روحيات نقطه نظرى اجتماعيات نقطه نظرينه قارشى
قودقلىر زمان ظن ايده رم كه تماميله ياكش بر يول
طوتبورلر . انتخار مسئله سى ، روحياتك مدعاسيله

اجتماعياتك مدعاسى آراسنده اصلا بر مخالفت شكندده
وارد اولماز . معين بر جمعيتده ، انكشافك معين
بر زماننده ، انتخاره سوق ايدين بر مقدار عمومى
سيبلر واردر . بوسيلرى ، آنجق اجتماعيات بيله بيلير .

فقط بو سيبلر ، بوتون فردلر اوزرينه بر صورتنده
اجراى تاثير ايده من . بعضى فردلر مقاومت ايدر .
بعضيلرى ده مغلوب اولور . اوزمان نه ايچون فلان
وفالانك مغلوب اولديغنى معين ، روحيات ايله پسيخيازى به
ترتب ايدر . بناء عليه بكا اويله كليوركه روحياتك
ساحه سيله اجتماعياتك كى بر برندن واضحا آيرلشدر .
اول امرده بو فرقى كوزاوكنه كتيرمه دكلىر ايچون
معتزلرمك يوروندكلىر مطالعات ، بكا اويله كليوركه
ياكلش اولقله قالاوب تهللكلى ده اوليور .

بكا ولا ، وراثتى كافى درجه ده نظراعتباره
آلبورسك صورتنده اعتراض ايدلى . بنده طيديلر
صورايم ؟ وراثتك ، انتخارلك تكرر وندرتى
هر هانكى بر درجه به قادر ايضاح اينديكى ظن

ايدبورميسكز ؟

ايله (دوحة المشايخ) ه ذيلارى (كشف الظنون) ه
بر مقدار الحاقانى اولديغى (زبدة الواقعات) اسمنده كى
اثرينك مقدمه سنده ذكر ايدر . (زبدة الواقعات)
سلطان حميد اول زماننده (۱۱۸۸) سنه سته قادر
يكن آلتى سنه لك وقابى حاكيدر ...

سالم تذكره سى اساساً ۱۱۳۲ ده انعام ايدىلديكى
ايچون راضا فدينك قلمه آلدني اثر ، داماد ابراهيم
باشادورى اديب وشاعرلرينك بوتارنخدن صوكرا كى
حياتلرينى آكادىاسى اعتباريله بك مهم بر وثيقه
صايله لايقدرد .

على جانب


هامش : آلمانايده بولونان آرقاداشم نرمى بكدن
ايكى اوچ كون اول بر مکتوب آلم . شوسطرلر
بر جوق قارلرمنى علاقه دار ايده جكى ايچون نقل
ايدبورم : «براز اول درسدن كتيخانه سى مذكرى
بروفه سور بوللهرت ايله برلكده ايدم . ايسته ديكمك
شيرحقنده شوبله بويه معلومات ويره جكم . بوللهرت ،
كتاب زينى تارىخى خصوصنده بوبوك بر صلاحيت در .
اونك ايچون كتابلك ناصيل محافظه ايدىلديكته دائر
يالكز عمومى معلوماتى واردر . بوللهرت سويله ديكنه
كوره ، بو ، كندى باشنه اهميتلى براختصاص ساحه سى
ايمش . (درسدن) ده يالكز ايكى سبه سياليست
وارمش . اونلره بنى كوروشدبره جك . اووقت طبيعى
سكا جوق اطرافى معلومات ويره جكم . كتابلك
محافظه سته دائر آلمانجه ده بك جوق كتابلر وارمش ،
بردانه سنى بكا توصيه ايندى : Echt oder Falschung
مؤلفى : Albert Neubulger .

يازما كتابلىرى ، قورو وكونشسز برلرده محافظه
ايملى ، سنده بر دفعه مطلقا الكتريقتلى اهمه ماكنه سيله
توزلرلى آلاملى ، تميزلهملى ، ياپراقلرينه هوا آلدبرمالى
ايمش . بويابيليرسه كيبيوى تحلل اولمازمش . قورت ،
كوهه تخريباتنه اوغرامش كتابلره كلنجه : اونلرى ده
قورتارمق امكانى وارمش . كتابلر ايجه تميزلهملى ،
بوزوق صحيفه لك هرايكى طرفته - صحيفه بوينده - يكي
شفاف كاغد ياپشديرمالى واوستنى Zapsen ده نيلن
برمايله ياغلامالى ايمش . بومايله ياغلانان كاغدلره
بوجكار صالديرمازمش .

هرحاله (درسدن) ده كى ايكى محافظه متخصصى
بوموضوعه دائر ، ايترسه ك «حيات» ده ده بر قاچ
مقاله يازابيليرلر .

بومقاله لره هيمز اشتياق ايله منتظرز . معارف
وكالتى بوتون كتيخانه لر حقنده اعتنا واهتمام صرف
ايدر كن هيمزى وبوميانده بهاسى تقدير ايديله ميه جك
خزينه لك محافظلىر ديمك اولان كتيخانه مامورلرينى
بويابيلر ارشاد ايده جكدر . لطف دلاتندن دولاي
نرمى بكه بوراده علناً تشكر ايده رم .

ع . ج



عاليقدرك مبتلا اولدقلىرى رنج وكدورت مومى اليك
مسومى اولدقده خوف صرايت ايله كرفنار اولدينى
علت واهمه دن تخلص جان ايده ميوب سنه مذبوره
جمادى الاخره سنده (بيت) رحم ايمه بنى كسته آنك
آه وزارينه * آخر كتوردى آفده مكين مزارينه
«نثر» مالنجه «ديوب كسور كه عبارته ك روشنندن
«وفات ايمشدر» ديه جكى واضحا آكلا شيلقمده در .
بوراده . بوسيله بر استطراد يامق لزومى حس ايورم .
نديك اختلال انساننده دامن دوشوب تولديكنه
دائر بر روايت واردر . ۱۱۴۳ اختلالى برندن بره
انفلاق ايمش بر حادثه اولماديغى ايچون بو روايت ،
هله راضا فدين طرفندن بوبوك شاعرك اختلالدن
اوچ آى صوكرا حالا ياشاديغى تصرع ايدلكدن
صوكرا بر افسانه ديه باقى ضرورى اولوبوردى . يكن
كون بر كتيخانه ده تصادفاً آله مستقيم زاده سعدالدين
افنديك «مجله النصاب فى النسب والكنى والالقب»
عنوانلى بر اثرى كجدى . بو عربى عبارلى كوجوكه ،
فقط جوق فائده بخش «آسيفلوبيدى» ماهيتنده
بركتابدى . سعدالدين افندى كتابك اسمنى تسويدنه
تارىخ دوشوردى كنى سويليور . بو اعتبارله (۱۱۶۸) ده
يازىلديغى آكلا شيلقمده در . ايچنده «نديم» حقنده
يازىلش شوعبارده بنى اوقودم : «مخلص احمد المدرس
ابن محمد القاضى بروم ايلي ابن مصلح الدين مصطفى
الملقب قاضى العسكر المقتول و من نسل العزيز المفتى
للدولته العليه من طرفه امه توفى ساقطاً عن سقف
داره خوفاً من فتنة وقعت عام خلع السلطان احمد
الثالث» تاريخى تدقيقاتنده اعتناكار اولقله برابر
نديك آرقاداشلرندن بر جوقلريله اساساً دوست اولديغى
ييلديكمز مستقيم زاده لك بو سوزينه اينانيرز . ديمك
نديم محقق دامن دوشهرك وفات ايمشدر . او حالده
بوتى بنه كنديسنك نظر تصحيحندن يكن راضا
تذكره سنده اوقونان شكل ايله تاليف ايمك اقتضا
ايدر . قناعتجه راضا افندى ده دوغرو سويليور .
نديم اختلالى ايشيدنجه تولوم قورقوسندن «علت
واهه» به دوچار اولوبور . «آه و زار» ه باشليور .
ابراهيم باشا دورى كجديكى ايچون كيمسه زواللى به
«رحم ايمبور» . اختلال ربيع الاولك اون بشنجى
پيرشبه كوفى باشلامشدى . باطرونه و توابى ايكى
آى قادر آتوب طوتديلر . نهايت حكومت هيسنى
تيله دى . فقط زواللى نديم «علت واهه» دن قورتولامادى .
جمادى الاخره ايچنده - آكلا شيلان - حالا باطرونه لك
حكم سوردى كى وهيله آهوزار ايدين شاعر كنديسنى
ماونك دامنندن آشاغى آندى . ايسته راضا تذكره سنك
يارم قالمش افاده سى (مجله النصاب) ك ويرديكى
خيرله آنجاق بو صورتله تاليف وانعام ايديله بيلير [۱]

«عثمانلى مؤلفلىرى» راضا فدين حقنده شونلرى
سويليور : «فن سكدن (ظهر حكام) اسمنده
براشمى ، تذاكر شعرا دن ساله (۱۱۹۸) تاريخنه
قادر (آداب طرفا) نامنده برذيلى ، (حديثه الوزرا)
[۱] بنه مجله النصابك ادعاسنه كوره مثلاً شاعر بنى
«علامه الدين زاويه سى» نده مدفوندر .

اول امرده ، تعبیرلر خصوصنده آکلاشمق ایجاب ایدر : اتخارک ارثی اولدینی سوییشتیکی زمان ، نه مراد اولونیور ؟ اتخاریدن ابونک ، اولادلرینه ، تظاهری اتخار اولوبله جک عصیت استعدادلری (مثلاً نوراستنی) بر اقدقلمی ؟ بو ، اعتراض کوتورمن ، فقط بر شی ده ایضاح اتمز ؛ زیرا ارثاً انتقال ایدن قطعاً اتخاره میل دکل ، اتخاره سوق ایدوبله جک بر مزاجدر . بناء علیه اتخارک ارثی اولدیغندن بحث ایدیلنجه بونی ، فردی کندینی احبابه دوغروندن دوغرویه سوق ایدن بر میلک انتقالی معناسنده آملایدر .

ارثی اتخارلره ، هیچ شبهه سز بر جوق مثاللر بولنه بیلیر . بونلرک اک شایان دقتلرندن برینی غال Gall ، « دماغک افعله لری حقنده » Sur les Fonctions du Cerveau عنوانلی کتابنده ذکر ایدیور : « صاحب املا کدن ژ ... اسنده بر ذات یدی اولادینه ایکی میلیون فرانقلق بر ثروت بر اقدی ؛ اولادلرینک آلتیسی پارسده ویا پارس جوارنده قالدیلر ، میرادن حصه لرینه اسابت مقداری محافظه ایتدیلر ، حتی بر قاجی آرئیدی . هیچ بر کدر و ملا کته دوچار اولادی و هیسنگده صحتی برنده ایدی ... یدی قارداشده ، دورت سنه ایچنده ، اتخار ایتدی . روحیات و پیخیاری عالمربنک کتابلرنده ، بو نوعدن خیلی مثال واردر .

بر کره بو مشاهده لرا کثریا ، اختلال شعوره دوچار کیمسه لر حقنده جریان ایتمکده ونورمال فردلری حساب قانماقمده در . بوندن باشقه ظن ایدیورم که اکثر وقعه لرده ، سرایت ذهنيه Contagion mentale ایله داها قولای وداعا دوغرو بر صورتده ایضاحی ممکن حادثه لر ، وراثته حمل ایدلشددر . فی الحقیقه بر عائله داخلنده واقع اولان اتخارلرده - فردلرک اکثریا بر یاشده ، بر صورتده و بر شرائط داخلنده اتخار ایتدیکی مشاهده اولونیور : اوغلی کندینی ، وقتیه باباسنک جسدی بولندینی آغاجه آسبور ، بر قیز کندینی ، وقتیه باباسنک اتخار ایتدیکی برده تولدوریور ، الخ ... بو سرایت حادثلری اکثریا خارق العاده در و بر جوق تقدیرلرده اونلری ، وراثت حادثه لرندن صراحتله تفریق قابلددر . اون بش حرب معلولک کندیلرینی ، بربری آرقه سندن بر چنکله آسمش اولملری ویا بولونی « Boulogne » قرارکا . هنده کی عسکرلرک هیسنگده بر نقطه قوله سنده اتخار ایتش اولملری مشهوردر .

فقط اوله حادثه لر وارکه اونلرده ، اک زیاده وراثته حمل اولنان شیئک اکثریا یا بر سرایت وقعه سی اولدینی واضعاً اثبات قابلددر . بونلرک اک شایان دقتلرندن بری شبهه سزکه ، امراض داخلیه متخصصی فابره Fabret نک « داء مراق و اتخار » Hypochondrie et Suicide عنوانلی کتابنده نقل ایتدیکیدر . بر قیز ، عموجه سنک اتخار ایتدیکنی خبر آلیور و بو ، کندینه جوق تأثیر ایدیور . بو ائشاده باباسی ده اتخار ایدیور . او زماندن اعتباراً قیز ، باباسنک و عموجه سنک دوچار اولدینی عاقبتدن

کندیسنک قورتولمه یه جتنی دوشونمکه باشلیور و داها « بنده محقق بابام و عموجه م کی توله جکم ، قام بوزوق » دیه تکرار ایدیور . فی الحقیقه اتخاره قالدیشور سده موفق اوله میور ؛ فقط بینه اتخار ایده جکنی ، کندینی بکلین عاقبتدن قورتولمک قابل اولیه جتنی سولبیور . بونی کورنجه آنه سی اوکا حقیقی افشاه قرار ویریور . قیزک باباسی ظن ایتدیکی آدام ، حقیقت حالده باباسی دکلش . اقناع ایچون آنه سی اوکا ، وقتیه عاشقی اولان آدمی کوسته ریور ، بو ، قیزک حقیقه باباسیمش . او زماندن اعتباراً قیز ، اتخار فکرلرندن تمایله قورتولدی . ایلك اتخار تشبثنده موفق اولسه یدی او حادثه ، قیزک اطرافنده اتخار ایدنلره هیچ بر صهرتی اولادینی حالده ، هیچ شبهه سزکه وراثته حمل اولنوردی . بو حادثه وراثتک دکل ، سرایتک تأثیریلدر . ارثی اولدینی سولبه یلن بر جوق دیگر اتخار حادثه لرینی بو صورتله ایضاح ، اغاب احتمال ، ممکندر . سرایت ایسه ، بو تقدیرده اجتماعی بر حادثه در (مثلاً : بر مکتب ، بر قیشله ، سیار بر بر محله ، الخ ده اتخار صالغیلری) .

بوندن باشقه اتخاره تمایل ارثی اولسه یدی ، ارکک وقیز اولادلره بر درجه انتقال ایتیه سی و بناء علیه ارکک اتخاریلره قالدین اتخاری آراسنده کی نسبتک ، ارکک عددیلره قالدین عددی آراسنده کی نسبته مساوی اولاسی ایجاب ایدردی . حال بوکه بویه بر موازنت هیچ کورولمه مشدر . هم ارثی تأثیرلر بالخاصه جوجوقلر سنه لرنده قوتله تظاهر ایدرلر . بناء علیه جوجوقلر آراسنده کی اتخارلرک داها جوق اولاسی ایجاب ایدردی . بو ایسه ، اصلاً واقع اولامشدر . جوجوقلر آراسنده اتخارلر نادر در و اونلرکده اجتماعی سببلره ایضاح ایدله سی امکانی ، اغلب احتمال ، موجوددر بالخاصه شهر جوجوقلری ، شهرلرده ده منور محیطلره منسوب جوجوقلر اتخار ایتکده در . بناء علیه جوجوق حیات اجتماعییه قاریشدینی نسبتنده ، منسوب بولندینی محیط دولایسیله شخصیتک تشکل خصوصنده کوستردیکی سرعت نسبتنده اتخاره تمایل ایده بیلیر .

استانبولده یاپدیم آنکه تک [۱] ویردیکی نتیجه لرک برندن ده استفاده ایده جکم . استانبولده صوک اوچ سنه طرفنده کی اتخار حادثه لری ، اون سنه اولکندن ۴ الی ۶ دفعه فضله در . بو تزیادی ، وراثتیه ایضاحه قالدیشمق ممکنمیدر ؟

بویه بر فرضیه نک بزی ناصل بر ۱۰ کمه سوق ایده جکنی آراشدیرلم . اولاً منتحرلرک اتخار ایتزدن اول اولمک و جوجوق باعق احتیاطنده بولندینی ، ثانیاً هر برینک ۴ الی ۶ جوجوغی دنیا یه کلدیکنی فرض اتمک ایجاب ایده جکدر . بو ، منطقی یکانه فرضیه در . انسانی کولورور و ساده جه بر فائته زیدن عبارت اولور .

بویه وراثتله ایضاحی قابل اولان اتخارلر واردر . روحیات عالمی و طیب اونلری قید ایدر . اتخارلرک [۱] او آنکه تی ، بو مقاله لرک ختامندن صوکر ، « حیات » ده نشر ایده جکم .

حیدنه ، مثلاً معین بر زمانده تزیادینه کلنجه ، بونک وراثتله قابل ایضاح اولیه جتنی بدیدیر .

جنت فرضیه سنی بک جذری بر صورتده رد ایتدیکم ایچون مؤاخذه یه دوچار اولدم . دیدم وینه دیورم که هیچ بر تقدیرده ، وراثت کی جنتده اتخارلرک حیدنی ایضاح ایده من . بوندن اولکی مقاله مده بر قاق نظری سبب عرض ایتشدم . بو کون ، عملی مشاهداته استناد ایده جکم :

استانبولده اتخارلرک تزیادینه سبب اوله رق جتنی کوسترمک قابلدیر ؟ بونک ایچون اول امرده امراض عقلیه متخصصلرینک بزه ، صوک اون سنه طرفنده اختلال شعور منحنیسی ایله اتخار منحنیسنک همان همان موازی اولدینی اثبات ایدن احصائیات جدولاری کوسترمه لری لازمدر . بویه بر جدول کوستردکلرینی فرض ایدلم (بویکا ، هیچده قابل کوزوکیور) . بن اوزمان کندیلرینه امراض عقلیه نک بویه آرتمش اولاسنی نه به حمل ایتدکلرینی و بو تزیادی ایضاح ایچون اجتماعی عواملی ، قوله کتشف عواملی مداخله ایتدیرمکه مجبور اولوب اولمادکلرینی سورارم . فقط بوندن فضله سی ده وار : دو قنور فخرالدین کریم بک ، علاقه دار اولدینی ایچون مدافعه ایتدیکی مدعای ، فرقنه وارمادن جرح ایده جک قطعی بر دلیل سرد ایدیور . فخرالدین کریم بک امراض عقلیه ، صوک زمانلرده ، ارککلرک قالدیلرندن داها جوق (تخمیناً ایکی دفعه فضله) مبتلا اولدینی سولبیور . بناء علیه اختلال شعور ایله اتخار آراسنده دوغروندن دوغرویه بر مناسبت بولنه یدی ، ارککلر آراسنده کی اتخار حادثه لرینک ، قالدیلر آراسنده کندن ایکی دفعه فضله اولاسی ایجاب ایدردی . بونک بویه اولادینی شوبله دورسون ؛ صوک اوچ سنه طرفنده تورکلر آراسنده قالدیلر ، ارککلرندن داها فضله اتخار ایدیور .

آلفولیزم ایله فرنگی ده اتهام اولونیور . آلفولیزمک ویا فرنگیک انکشافله اتخارک تزیادی آراسنده بر مناسبت بولندینی فرض ایدلم . بونه اثبات ایدر ؟ آلفولیزمک و فرنگیک انکشافی ، سبیلری اعتباریه ، قطعاً طبیبک اختصاصی ساحه سنه عائد دکلدر . طبیب نتیجه لری مشاهده ایدر ویا ییلان فنانلی تداییه جالیشیر . خسته لک اوکئی آلمق ایچون بروقیلاقی تدابیری تکلیف ایده بیلر ؛ فقط حقیق دوالری کوسته ره من ، زیرا حقیق سبیلری آکلیه ماز . فرنگیک ویا آلفولیزمک انکشافی ، متعدد و معضل اجتماعی سببلره مستنددر . بو خسته لقلر داها اجتماعی بحرانلرک ، عائلوی بحرانلرک ، اخلاق بحرانلرک ، الخ . افاده سیدر . آلفولیزم ایله مجادله نک اک انی شکلی ، ایچکی منع اتمک دکلدر . ایچکی منع اتمک ، سبیلر اوزرینه دکل ، نتیجه لر اوزرینه اجرای عمله قالدیشمقدر . مثلاً عمله آراسنده کی آلفولیزم ایله مجادله ایتمه نک حقیق چاره لری ، عمله نک اوطور مقندن ذوق دیوه جتنی ، آرتق قهوه یه کیشمک

آرزوسنی اونوتدوراجق علاقه مرکزلی میدانه کتیرمکدر .

بناء علیه ، فرنکنیک و آلفولیزمک انکشافی ایله اتخارک تزیادی آراسنده بر تناسب کورولسه بيله بوواقعهری ایضاح ایچون اجتماعی سبیلره و بوخته لقلره مجادله ایچون اجتماعی دوالره باش وورمق ایجاب ایده جکدر .

اتخارلرک سبق سبق وقوعنی وراثت ، جنت ، الخ . ایله ایضاح اتمک ایسته یین روحیات و پیسیخاری علملری ، یا کلش یول تعقیب ایدورلر . کندیلرینه عائد اولیان ساحه لره کیربورلر . فلان و یا فلان فردک نه ایچون مصاب اولدیغنی ، اتخارلرده الک جوق تکرر ایدن « تب » لره هانکیلری اولدیغنی ، الخ . ایضاح اتمک لازمدر . بر مملکت افرادینک احوال روحیه سی و تشکلات عصیه سی مکمل بر صورتده بیلنه دخی اونلردن قانچنک اتخار ایده جکنی تعیین قایل اولماز ، فقط وقعه لر دن سوکرا عمومی حادثه یی ایضاح ایده جک اجتماعی سبیلر نظر اعتبار آلدقن سوکرا نه ایچون فلان و یا فلان فردیشلرک مغلوب اولدیغنی بیلدک قایل اولور .

داها ایلری کیده جکم . اتخاره سبب اوله رق وراثتی ،

اختلال شعوری ، الخ . کوسترمک فکرینی ، بالخاصه

تورکیه ایچون ، بالفعل یک تهلکلی بولیورم .

استبالک مورخلری ملیت جریاتنک ، استغلال حربنک ، مسئولیه قارشى احراز اولنان ظفردن سوکرا تورک ملتک یکیدن تشکلتک تاریخی یازارکن ، مملکتک بو کونکی مقدراتی اداره ایدن ذواتک الک شرفلی اجرا آتندن بری اوله رق طن ایده رم که تورکیه اوزرنده اوچوشمش قدرجیلک میاسوسلرینی شدتله دفع اتمش اولمالرینی ذکر ایده جکدر . قدرجیلک ثولو انسانلرک عقیده سی ، کیسینک قایلره دوغرو یورودیکنی ، اوینک یادیغنی کوروب قایغنی ویا مکتنی قورتارمق ایچون هیچ برشی یایمان انسانلرک عقیده سیدر . اوله بر نظریه نک کنجلیری ، فردی طرزحرکتلری خصوصنده ، بر نوع قدرجیلکه سوق اتمه سندن قورقولور . عائله لری افرادندن بری اتخار ایدنجیه اونلر ، کندیلرینی ده محکوم عد ایده جکدر ؛ شره مقاومت

ایچون لازم کلن قوتلره مالک اولماقلرینی طن ایدوب کندیلرینی برافویره جکدر . تلقین بنفسه فردک علیهنده چالیشجه ، مدھش بر شیدر . کندینی تولدوره جکنه قانع اولان کیسه ، نهایت اتخار ایدر . تشکلات عصیه سنک قصورلی اولدیغنی حس ایدن ، کندیننده مه لاقولیه و نوراسته نی به میل کورهن آدامکده کندینسی ، اتخارک پله دیکی قوربانلردن بری عداغنه سی یک قابلدیر . مقدر عدابتدیکی برعاقبتدن قورتولاق ایچون برشی یا عیبه جقدر ؛ بو متوکل قدرجیلک قارشینده طیبده قوتسز قایلر .

حالبوکه ، بالآخره اثبات ایده جکم کی ، اوکا اتخارلرک سبق سبق وقوعی اجتماعی سبیلره استناد ایتدیکی ، بو سبیلرک ماهیتی ، اهمیتی ، اونلره غلبه چالماک ممکن اولدینی کوسته ریلیرسه ، اونی قورتارمق بلکه قایل اولور . او زمان ایکی دفعه قورتارلش

اولور : هم کندینسی ایچون ، هم ده مملکت ، منسوب بولندیغنی جمعیت ایچون . زیرا قورتاریلیرسه بو ، اونی قوتلی بر جمعیت ایده آلنه ربط اتمک قایل اولدینی ایچوندر [۱] .

بویله جه بر قاج تنقیده جواب ویردکدن واتخارک ایضاحی خصوصنده اجتماعیاتکده ، روحیاتکده بر رولی بولندیغنی ، فقط ایکسینکده ساحه سی آیری اولدیغنی کوستردکدن سوکرا بو خصوصده کی فکرلری عرضه دوام اتمک ومعین بر جمعیتده اتخارلر حدینی آنجق اجتماعیاتک ایضاح ایده بيله جکنی یکی مثاللره اثبات اتمک ایسترم .

اتخارلرک تکرری خصوصنده ، مثلا دینلرک حائر تاثیر اولوب اولادیغنی آراشدیرالم . احصائیات جدوللرینه باقیلنجه کورولور که اتخار ، قاتولیک مملکتلر ندن زیاده پروتستان مملکتلرنده انکشاف اتمشدر . پروتستان مملکتلرنده بر میلیون نفوس اوزرنده سنه ده وسطی اوله رق ۱۹۰ ، مختلط ، یعنی هم پروتستانی ، هم قاتولیکی اولان مملکتلرده ۹۶ ، یالکز قاتولیکی اولان مملکتلرده ایسه ۵۸ در . حادثه یی داها یاقیندن تدقیق ایده لم و آلمانیا ، اسویجره کی مملکتلری کوز اوکنه آلام ؛ اورالرده ، قاتولیک جمعیتلره پروتستان جمعیتلرده کی اتخارلر نسبتی داها واضحا کوروروز .

مثلا آلمانیا ده ، ۱۸۷۴ دن بری باویه راده سنه ده ، بر میلیون نفوس اوزرنده (۹۰) ، پروسیاده (۱۳۳) ، باد دوقه لفنده (۱۵۶) ، وورتنبورغده (۱۶۲) ، ساقونیاده (۳۰۰) اتخار حادثه سی اولفنده در . بو مختلف دولتلرده قاتولیک نفوسی ایله پروتستان نفوسی آراسنده کی نسبت تدقیق اولوتجه کورولور که پروتستانلر جوغالده جه ، اتخارلرده تزیایدیدور . اتخار حادثه لری الک آز اولان باویه را ، اساس اعتباریه بر قاتولیک مملکیدر ، اتخاری الک جوق اولان ساقونیاتک نفوسی ایسه مان مان کاملا پروتستاندر . اسویجره ده بونلره ناما عینی اولان نتیجه لر مشاهده اولونیور . فرانسز اسویجره سنه قاتولیک قانتونلرده بر میلیون نفوس اوزرنده سنه ده (۸۶) اتخار حادثه سی اولدینی حالدیه پروتستان قانتونلرنده بو عدد ، (۴۵۳) ه بالغ اولیور ؛ آلمان اسویجره سنه قاتولیک قانتونلرده (۸۷) ، پروتستان قانتونلرده (۲۹۳) اتخار حادثه سی اولفنده در . دیگر مملکتلرک احصائیاتی ده بونلره تمامیه مشابه عددلر کوسترمکده در . بناء علیه پروتستانلر آراسنده اتخارلرک ، قاتولیکلر آراسنده کندن بلا استثنا فضله اولدینی سوبله نه بیلیر . اتخار حدینک ، قاتولیک جمعیتلره پروتستان جمعیتلرده بر اولماسی ناصل ایضاح اوله بیلیر ؟

بو عدم مساواتی روحیاتیلره طیبیلرک ایضاح ایده میه جکی آشکاردر . پروتستانلرک تشکلات فردیه سی ، قاتولیکلرکنکندن فرقلی دکدر . طرز حیاتلری بر ، تابع بولندقلری شرائط بر ؛ آلتنده یاشادقلری سما بردر . دیگر جهتدن پروتستان مذهبی ده اتخاری ،

[۱] بو ، معلومات قیلندن قید اولمشدر . کله جک

مقاله مده بو فکرلری ، مفصلا ایضاح ایده جکم .

قاتولیک مذهبی قادار شدتله تلغین ایدور . بو عدم مساواتک سببی اجتماعی سبیلر آراسنده ، دینی طریق Systeme لره بالذات ماهیتنده ، بو دینی طریقلرک کندیلرینی فردلره نه صورتله قبول ایتدیردیکنده ، منتسبلرینک شعورینک اوصافی نه صورتله تعیین ایتدکلرنده آراشدیرمق لازمدر .

بو بوک ره فورم جریاندن نشأت ایدن پروتستانلق ،

قاتولیک مذهبی اعتقاداتنه قارشى یادیغنی عکس العمل نتیجه سی اوله رق سربست تدقیق Libre examen روحنه داها کنیش بر موقع بر اقمشدر . قاتولیک پک دار عقیده لر آراسنده محبوس اولدینی حالدیه پروتستان ، بر درجه یه قادار ، اعتقادینه حاکمدر . مقدس متلری سربسته تدقیق واونلری ، کنیش بر مقیاسده ، کندینه کوره تفسیر ایده بیلیر . ایشه بونک ایچوندر که روما قاتولیکلکی تام بر وحدت عرض ایتدیکی حالدیه پروتستانلرده طریقلر و مذهبلر تکرر اتمکده در . پروتستانلرده ، بوسوئه Bossuet نک کمال اهتمامه

قید ایتدیکی وهیچ ده کیشمه یین قاتولیک روحنه فنا کوزوکن تفسیرات ده بوندن نشأت اتمکده در . دینی بر جمعیت ایسه ، مشترک اعتقاداتنک شدتلی وثابت اولدینی نسبتنده قوتلیدر . قاتولیک جمعیتی ، پروتستان جمعیتندن جوق داها متکشفدر . قاتولیکلکده فرد ، ثابت قاعده لر دن مظاهرت کوردیکی حالدیه پروتستانلرده داها زیاده کندی کندینه ترک اولمشدر . پروتستان سربست محاکمه Lidre jugement سندن استفاده ایده بیلیر ؛ فقط کندی اعتقادلرینک اکثریتنی بالذات قورمق ، بر انسان اوموزی ایچون جوق آغیر بر بوکدر . پروتستان حربنک ذوقنی قاتولیکدن فضله طادار ، فقط بوکامقابل اونک آغیر لغنی ده دویار . بناء علیه اتخارک ، پروتستان جمعیتلرنده داها جوق اولماسی دینی شکلک فرد ، پروتستانلرده قاتولیکدن داها آز مظاهرت اتمه سیله ایضاح اولنه بیلیر .

آغلیقان مذهبنک عرض ایتدیکی مثال ، بو فرضیه ایچون جوق ابی بر برهاندر . پروتستانلرده یالکز آغلیقان مذهبنده هیئت روحانیه ، اولدجه قوتلی بر سلسله مراتبه تابعدر ؛ بومذهبده وحدت دیگر پروتستان مذهبلرنده کندن فضله در . آغلیقان پروتستانلر آراسنده اتخار حدی ، آلمان ، اسویجره و فرانسز پروتستانلر آراسنده کنگ جوق دوننده در [۱]

شیمدی باشقه بر مثال آلم و اتخارله عائلوی جمعیت آراسنده بر مناصبت اولوب اولادیغنی آراشدیرالم . فرد قارشى عائله ، دینی زمره نک بولندیغنی برلرده [۱] بوراده بو نقطه یه اشارت اتمه لازمدر .

بعضی دینلرک ، بعضی دورلرده فردی ، اتخاره قارشى مدافعه اتمش اولماسی بنه سبق دین شکلرینه عودت ایدله منی استلزام ایتدیرمض . بشرک بوتون تکامل صفحاتی بونک عکسنی سوبله مکده در . موده رن دولتلرک حیاستنده ، وقتیه دینی شکللرک کوردیکی

وظیفه یی ایقابه مقتدر اجتماعی شکلر بولمق لازمدر .

اصل مسئله بودر .

انتخار لر قارینه ر و هیاتی

۳

مشهور محرر Heinrich Stihliz ده انتخار
ایتمشدر . فقط اوندن اول کرک قوجه سنک مضطرب
روخنه امید ویرم تپسج ایده رم امیدله عائله سی
انتخار ایدیور . قوجه سنه « سن بدبخت اولمایا بیلیردک .
حقیقی بدبختلده بختیار اول ! سکا عائد شکایتم یوق .
سن دها یاشا . ضعیف اوله ساکن وقدرتلی ، بویوک
اول . . الخ جلله لرله نهایتله نن برمکتوب یولایور .
فقط عائله سنک اولومی ده محرره هیجان ویرمیور .
اونی حرکت کتیرمیور . انحطاط روحی دوام ایدیور .
محرر اوزون مدت کتبخانه ده اوطورر . کوندوزین
اویقویه میال . آجلفه رغماً یک ییز . انسانلره
قونوشمقدن قاجار ، تام مناسیله انحطاط روحی
کوستررمش . زوجه سی ده آنک تأثیراتی آلتنده
فوق العاده قابل تخرش حاله کلش اراده سی ضعیفله مشدی .
نهایت انتخار ایتمشدر . بواونک صوک یازینی مکتوبدن
آکلاشیلیور . ایسته بوتیلر ده کی آدم لر تماماً مشعور
اولدقلری حالده بولانش روحلری تضییق آلتنده
چکدیکی عذابدن قورتولوق ایستر ارادی اولارق
حیاتلرینه خاتمه چکرلر .

Yoh. Heinrich

Merch 17 - 1721

Freb. Heraber

Ferdinand Reimunb

کی مشهور شخصلر بومزاجده درلر . مشهور جراح
ده پودتیرن باغچه سنده کی میوه آغاجلرینه باقار بونلرک
هانکیسنده کندی آصهیم ده دوشونورمش ۱۹۱۴
سنه سی ایلولنده ۴۱ یاشنده حیاته وداع ایدن ویقتور
آرنولو نامنده کی آلمان آرتیستی ده بوزمره دندی .
بو ذات ایچون مشهور محرر فلیکس هوللنده
أولومندن صوکر یازدینی مرثیده برجوق بویوک
قومقلر حیاتلرینه مه لاقولیک وایوقوندیریاق ایدیلر
داخلی عذاب ایچریسنده ایدیلر . بوده اونلردندر
الخ . . . دیور .

دیمک که منتحرلر حقنده اساسلی تدقیقات باعقصرین
صرف ضابطه ایستاتستیکلرله حادثه فردی در ویاخود
حصر اتمه منزله قابل تحمل اوله بیلیر . اک صیق
تکرر ایدن انتخار « تپ » ی ، دور قهایمک یک
حقلی اوله رق خودکام انتخار Suicide égoïste دیغمه سی
تکلیف ایتدیکیدر ؛ قوله کتیف قیمتلره قوتله مربوط
اولایوب یالکز کندی دوشونون و یالکز کندی
سفالتی کوره نک انتخاریدر .

فقط دور قهایمک بوخصوصده کی شایان دقت
مساعیسی تحلیل ایدرکن کوره جکمز کی بو ،
انتخارک یکانه اجتماعی تپی دکلدرد .

استانبول دارالفنون و غلظه سرای لیسنه

معلم ، فلسفه آغرمزه سی

ماقس بونافوس

ایفا ایتدیکی وظیفه یی ایفا ایدر . عائله فرده مظاهرت
ایدر و اونی قورور . بوتون مملکتلرده ، بوتون
موده رن جمعیتلر مزده بکارلر ، اولیلردن دها جوق
انتخار ایتکده در (اولی ارککلر آراسنده ۱ ، بکارلر
آراسنده ۱۰۶) . یک کوچوک یاشده یاسیلانلر
مستثنای اولوق اوزره ، ازدواج دائماً برصیانت واسطه سیدر .
بوخصوصده فیزیولوژی و روحیاتک ویره جکی
ایضاحات ، هیچ شبهه سزکه بو حادثه لر آکلاته جق
قابلیتده دکلدرد . بو حادثه یی ایضاح ایچون عائله زمیره سنک
تکمل اجتماعیسنه مراجعت لازمدرد .

عائلوی زمیره ، بالخاصه جوجوق ده اولورسه ،
فرد ایچون دائماً بر استناد کاهدرد . جوجوغی اولیان
أولی ارککلر بکارلردن دها آز ، فقط جوجوغی
اولان ارککلردن دها جوق انتخار ایدیور . قاریلری
تولش ، فقط جوجوقلری صاغ بولنان ارککلرده ،
یالکز بکارلردن دکل ، جوجوغی اولیان ارککلردن ده
دها آز انتخار ایدیور . بناء علیه عائلوی زمیره نک
یک مؤثر برواسطه صیانت اولدیغنده شبهه یوقدر .

دینی جمعیتک و اجتماعی جمعیتک بعضی تقدیرلرده
مؤثر برتأثیر اجرا ایتدیکی کوردک . انتخار خصوصنده
سیاسی جمعیتک ده عجا برتأثیر واریمدرد ؟

ایلک نظرده طن اولنه جفتک عکسنه اوله رق
بویوک سیاسی بحرانلر ، بویوک ملی حربلر ائاسنده
انتخارلرک عددی تناقص ایدر . مثلاً ۱۸۴۸ سنه سی
اختلاللری ائاسنده اوروپاده ، اختلال جریانلری
اولان بوتون مملکتلرده انتخارلر عددی صراحة
آزالدی . [۵] فرانسه ده ۱۸۸۹ سنه سنده جنرال
بولانژ نک کی کبی ولوله لی انتخابات مناقشه لری ،
بسیط ضربه حکومتلریله عامیله بونتیجه لری ویرمکده در .
بویوک ملی محاربه لرده ، ۱۸۶۶ ده آوستریا
ایله ایتالیا ده ، ۱۸۷۰ ده فرانسه ایله آلمانیا ده یته
بونتیجه لر مشاهده اولندی .

بونک سببی نه در ؟ کرک داخلی ، کرک خارجی
بویوک ملی بحرانلر ائاسنده ، قوله کتیف ایده آل
یک قوتلیدر . اوزمانلرده فرد ، ملی شأنیته ،
نورمال دورلرده اولدیغندن فضله مربوطیت حس
ایدر . فردلر کندیلرینی نورمال دورلرده اولدینی
قادار یالکز حس ایتمزلر . مملکتلری اوزرندن یکن
نغمه اونلری ، کونده لک اندیشه لرندن قورتاریر .
بوخصوصده روحیاتلرک ایضاحاتی ، طن ایده رم که
هیچ بر صورتله کافی کلامز .

دینی قیمتلرک ، عائلوی قیمتلرک ، ملی قیمتلرک
تأثیری حقنده کی بو مشاهدات بزی شو نتیجه یه
ایصال ایدیور : فرد ، قوتلی برقوله کتیف ایده آل
نه قادار مربوط اولورسه کندی ثلورمه که اوقادار
آزمیل ایدر ، شخصی سفالتی اوقادار آز دوشونور .
حیات آنجق علوی برغایه یه مربوط اولامزله ، یالکز
کندی بزی دوشونومه منزله ، بزه واقعا وظیفه لر تحمیل
ایدن ، فقط یاردیمی اسیر که مین بر ایده آل حیاتی

[۵] بو حادثه لر حقنده دها فضله تفصیلات آرزو
ایدنلرک ، نجم الدین صادق بکله برلکده قلمه آلدیغیز
وطبع ایدلکده بولنان کتابه مراجعت ایتله لری .

اجتماعی دیره حکم ویرمک دوغری دکلدرد .
وصیتنامه لر ، یازیلر ، عائله شجره سی الخ . . تدقیق
ایدیله لیدر . بزه کلن قورتولش منتحرلرک بر قسم
مهی مجنونلردن عبارتدی . فقط بر قسمی ده ده ژده نه ره
واسته ریکلردر . غاوبک دیدیکی کی یاری جدی
دوشونولش ، قورتاریلاجق فرصتی بکلین انتخارلر
یک جوقدر . بو آدم لرک انتخاری دورقهایمک دیدیکی
خودکامی انتخارلردر و روحی تردیلرک سوق و ابرامیه
حصوله کلیر . کذا غیر مشروع جوجقلر آراسنده
انتخار جوق کورولمکده در . سن ابالتده یاسیلان
بر ایستاتستیکده بونوع جوجقلر آراسنده انتخارلر
٪ ۲۴ نسبتده کورولشدرد .

ایکینجی زمیره کورولش انتخارلرک اسبابی نه در ؟
غایب ۱۸۲۰ سنه سنده بری انتخارلرک ٪ ۵۰
نسبتده شرائط حیاتی و معیشت و سائطنک
بهالیتی و اقتصادی بحرانلر نتیجه سنده آرتدینی ، حرب
زمانلرنده آزالدینی قناخته در .

« بیرن باوم » اجتماعی انقلابلرک و بالخاصه حربی
تبدلاتک ، شرائط مدنیته نک تأثیراته کذا محیط
مشله سنه اهمیت ویرمیور . کذا جمعیت حیاتک
ده کیشمه سنده و انتقال زمانلرنده انتخار مقدارینک
آرتدیغنی کورویور . فقط بومنتحرلر ده ازیاده ضعیف
اراده لیلر آراسنده کورویور . بوندن ماعدا اقتصادی
بحرانلردن هیچ متأثر اولامش عائله لرک قیزلرنده ده
انتخارلر کورویور که بونلرده ضعیف اراده لیلر آراسنه
داخلدر . روحی صالغینلر مشله سی جدأ مهمدر .
تاریخده ۳۰ بیک جوجفک مقدس مملکته هجرت
مقصدیله خانه پدیری ترک ایتلری ، آیینی دانس
استیلالری مهم حادثه لر در . بونلرده تلقینک تأثیری
بویوکدر . ۱۶ - ۱۷ نجی عصرلرده مذهبی صالغین
بونوع تلقینی سرایت روحیه لر دندر . بویوک بوطر زده
بویوک صالغینلر کورویور . فقط کوچوک مقیاسده
اولانلری موجوددر و بوالصالغینلر اک زیاده سینیر لیلر
اوزرنده تأثیری کوستریور . حربدن صوکر
Béarb کده ادعا ایتدیکی کی عصیت آرتمشدر .

فریود مکتبی هرشیده اولدینی کی انتخارلرده ده
تناسل تراومالری آراشدیرمش ، حتی بومکتبه منسوب
شته ککه لی « انتخار صوک بر فعل تناسلی تظا هریدر »
دیور و انتخارک کرک ملاتقولیک و کرک موازنه سزله ،
جوجقلرده بر جزای نفس اولدیغنی سوبلیور . انتخارلری
« بشقه لرینی اولدیروب قاتل اولقدنسه کندی اولدیرمیورم »
« بشقه سنی اولدیرمک ایسته مه مش اولسه ایدی کیمسه
کندی اولدیرمزدی » دیهرک تفسیر ایتدکن صوکر
منتحرلرک ماضیسنده استمنانک ، هوموسه کسوالیته نک ،
تطمین ایدیله مش ارزوی تناسیلرک موجود اولدیغنی
بالخاصه ابونلرندن تضییق کورن جوجقلرده ظهور
ایتدیکی قید ایدیور . جوجفک فانتازیلری ایچون
انتخاره تثبث ایتدیکی سوبلیور . استمناء یابان
جوجقلرک غیره ایله اخلاق آراسنده کی جدالدن
مضطرب اولوب حیاتدن بیقارق انتخار ایتدکلرینی
مؤلف قبول ایدیور . جوجقلنده کی قیصا آنجق ده
بوخصوصده عاملدر . قرده شلرینی ابونینی قیصا نیرلر .